

A Pa biba pa Kristu òf pa muri pa Kristu?

❖ Kristu eksaltá den Pablo (Filipensenen 1:10-20, 25-26)

- Pablo a regosihá den e sufrimentunan ku el a soportá, kual tabata hopi (Kol. 1:24a; 2 Kor. 11:23-27). Naturalmente, é no a regosihá den e sufrimentu mes, pero den e motibun pa kual el a soportá tempunan duru, di kual unu tabata e benefisio ku esaki a trese pa e Iglesia di Kristu (Kol. 1:24b; 2 Kor. 11:28).
- Dor di imitá Hesus den Su sufrimentu, — i asta den Su morto — Kristu a wòrdu halsá den Pablo (Fil1:20 NIV).
- Den su karta na e Filipensenan, Pablo ta hasié kla ku, pa e momentu, é no a spera pa eksaltá Hesus ku su morto, pero a spera, dor di e orashonnan di e Iglesia i e trabou di e Spiritu Santu, pa wòrdu librá i sigui sirbi Kristu ku su bida. (Fil. 1:19, 25-26).
- Pa motibu di e maldat ku ta prevalessé den nos mundu, bibando manera Kristu a biba frekuentemente ta involve sufrimentu manera Kristu a sufri i, den algun kasonan, muri manera Kristu a muri (2 Tim. 3:12).

❖ Pa biba òf pa muri pa Kristu (Filipensenan 1:21-22)

- E rais di tur sufrimentu ta keda den e bataya kósmiko ku ta wòrdu lansá awe entre e bon i e malu, entre Kristu i Satanás.
- Esaki ta un guera spiritual, kual mester wòrdu bringá ku armanan spiritual. E enemigu su sigidónan ta huza armanan ku ta ilegal kontra di Kristiannan (mintiranan, krítika, preshon di rango, etc.).
- Pero nos ta huza armanan manera bèrdat i hustisia (2 Kor. 6:4-7). Armanan poderoso “ pa basha e fòrtinan abou ” (2 Kor. 10:3-5).
- Pero kiko ta sosodé ora ku, den bataya, e resultado ta e morto di e hustu? Segun Pablo, esaki ta resultá den un ganashi pa nos (Fil. 1:21).
- Pa esnan di nos kende ta fiel na Kristu, morto ta pone nos mas aya di e alkanse di e enemigu, i ta aliviá nos di tur aflikshon (Prov. 14:32; Isa. 57:1).

❖ Pablo su dikotomia (Filipensenan 1:23-24)

- Ounke é no por a tuma e desishon, Pablo ta wòrdu kibrá entre dos posibilidatnan (Fil. 1:23-24): To depart and to be with Christ; or to remain and to benefit the church.
- Tumando e tèkst aki den isolashon, nos por dedusí ku Pablo ta siña ku tan pronto ku nos muri nos ta asendé na Shelu pa ta ku Hesus, kontradiendo otro pasashinan bíbliko (Ekle. 9:5; Salmo. 6:5).
- Den e mesun karta na e Filipensenan é ta bisa ku, pa ta kompletamente ku Kristu, é mester warda pa e momentu di e resurekshon (Fil. 3:8-11).
- Riba un otro okashon, Pablo ta kompará e kurpa ku un tent ku a wòrdu destruí (muri) pa por wòrdu bistí ku inmortalidat (2 Kor. 5:1-4). Sinembargo, é ta klarifiká ku e paña aki ta sosodé na e Di dos Binida, i no na e momentu di morto (1 Kor. 15:42, 51-54).

B Kiko ta nifiká pa biba pa Kristu?

❖ Komportá na un manera digno di e evangelio (Filipensenan 1:27a)

- E ekspreshon “ boso kondukta ” ta e tradukshon di e palabra Griego politeuomai, kual ta nifiká “ pa biba manera siudadanonan.” Pablo ta urgi e Filipensenan (i tur di nos) pa komportá nos mes na un manera digno di siudadanonan di Shelu (Fil. 3:20).
- Den e Sermon riba Seru, Hesus a siña nos kon e siudadanonan di Shelu mester biba.
- Pablo ta huza e konseho aki komo un introdukshon na un tópiko ku a preokup’é: unidat den e iglesia..
- E tabata sa ku desunion hopi bes ta bini di orguyo i komportashon inapropiado pa ku un na otro. Pesei, é ta urgi nos pa komportá nos mes na un manera dignifiká.

❖ Pa bringa huntu pa e evangelio (Filipensenan 1:27b-30)

- Siendo hustu i rekto no ta garantisá un bida sin konflikto (Fil. 1:30). Alkontrario, Jòb mes, kende a wòrdu deklará dor di Dios di ta “ é ta sin culpa i rekto, un hòmber ku ta teme Dios i ta apartá for di maldat ” (Jòb 1:8), a sufri un konflikto teribel, e trabou di e enemigu..
- Den e guera den kual nos ta emplea, unidat ta hunga un ròl importante. Pablo ta urgi nos pa bringa huntu pa defendé e evangelio (Fil. 1:27b).
- E unidat aki di propósito mester wòrdu djòin huntu ku orashon i e estudio di Palabra (Efe. 6:18; Fil. 2:16).
- Ora ku nos bini den konflikto ku maldat, nos no mester wòrdu intimidá dor di esnan kende ta oponé nos (Fil. 1:28). Laga nos kòrda ku Satanás ta un enemigu derotá, pasombra Kristu ya kaba a gana e bataya riba e krus (Lukas 10:18; Kol. 2:15).